



Broj: 04-40-1-18/22
Sarajevo, 19.01.2022. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 18.01.2022. do 08:30 sati 19.01.2022. godine

U skladu sa Planom interventnih mjera u slučajevima prekomjerne zagađenosti zraka Kantona Sarajevo, ministar komunalne privrede, infrastrukture, prostornog uređenja, građenja i zaštite okoliša Kantona Sarajevo dao je dana, 18.01.2022. godine saglasnost na prijedlog Stručnog tijela za koordinaciju i nadzor kvaliteta zraka za ukidanje epizode „Upozorenje“, zbog zabilježenog značajnog poboljšanje kvaliteta zraka.

Kantonalni operativni centar civilne zaštite je dana, 18.01.2022. godine u 12:25 sati, putem telefonskog broja 121 primio informaciju da je snježna lavina na Bjelašnici na lokalitetu Krvavac zatrpala trojicu planinara, koji su se uspjeli izvući ispod lavine, te da je tom prilikom jedno lice zadobilo teže povrede, a jedno lice lakše povrede. O navedenoj informaciji odmah je obaviješten direktor Kantonalne uprave civilne zaštite Kantona Sarajevo (u daljnjem tekstu: Uprava), po čijim nalogu je po propisanoj proceduri angažovana Služba za spašavanje iz lavina, potrage i spašavanje na vodi i pod vodom, koja je formirana u okviru Gorske službe spašavanja, stanica Sarajevo u akciji pronalaženja, a potom i zbrinjavanja, te evakuacije povrijeđenih planinara. Po dolasku na mjesto nesreće spasioци su pružili neophodnu pomoć povrijeđenim, te su na osnovu vrste povreda za dvije unesrećene osobe procijenili da je za iste potreban helikopterski transport. Na evakuaciji povrijeđenih angažovana su dva helikoptera EUFOR-a, koji su povrijeđene oko 17:20 sati preuzeli i prebacili do



stadiona Koševo, gdje ih je preuzela ekipa hitne medicinske pomoći i transportovala ih do Kliničkog centra Univerziteta u Sarajevo. Treću nepovrijeđenu osobu spasioci su evakuisali kopnenim putem do Umuljana. Kompletna akcija je uspješno završena oko 20:30 sati. U navedenoj akciji učestvovali su: pomoćnik direktora Uprava za mjere zaštite i spašavanja, zamjenik komandanta i komandir čete Profesionalne vatrogasne jedinice Uprave, oko 35 spasioca iz Služba za spašavanje iz lavina, potrage i spašavanje na vodi i pod vodom.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su pet manjih intervencija, od kojih četiri na gašenju dimnjaka na stambenim objektima i jednu na gašenju smeća u kontejneru.

Iz općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila -6°C, vlažnost zraka 79%, barometarski pritisak 957,2 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA
Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1